



832320

香禪精舍集



香禪精舍集

香禪精舍集

雜箸弟

歛行日記上

長洲潘鍾瑞慶生

光緒七年辛巳三月初四日丙寅

鍾瑞

奉西園叔父命有

新安祖籍之行先是午橋弟

晉齡

自大阜書來言舜鄰公

支有歷年未葬各棺請蘇州松鱗義莊備資辦葬叔父因

屬小白叔祖

世明

按支譜未載葬地者一百二十餘棺屬

支下子姓開報厝地乃命余籌其事余請於大阜立族墓

於是復書午橋屬其覓地並邀同族中至各厝地履勘既

而購得歛縣三十五都一畝大阜社屋埗山地一區而微

地所查與蘇人所報相合者凡六寸餘棺以今年清明節

香禪精舍集

卷

日記上

破土叔父命余與濟川弟

陳齡

拈花弟

魁先

赴歛舉辦又

徽州累世先塋歷年雖寄祭埽費而子姓闕然久不往

未足以伸誠敬命至歛先事謁祭周行展視余敬承之是

日在家為清明祭饗祖先畢辭別諸兄弟姪出至平陽

館中發行李亢鐵翁

楫滋

來話別濟川來偕出晉門與拈

花會於萬年橋舟次仰連姪

志惠

來舟送行少坐去夜與

兩弟一僕宿舟中

縣子

辭

自大阜書來言舜鄰公

初五日丁卯黎明啟行大霧至盤門卡次濟川登岸向伯

良弟

驛孫

取家書為帶往辰正抵尹山橋程筠泉先生

一舟先在筠翁原籍休甯亦有事於祖墓西園叔為約

作伴至是艤棹以待遂同行霧散日出東南風作已刻過
寶帶橋午刻過吳江風益緊舟不能前申初抵八尺泊徐
遂過筠翁舟談至上燈後同晚飯乃別蓬底臥聽風聲霍
霍如展千疋布於空中

初六日戊辰夜闌大雨侵早解維舉帆片時便落蓋風仍
東南東多可帆南多不可帆也已刻暫泊平望風稍殺午
刻過王江涇見城隍廟規模嚴整忽起礮聲則清明日昇
神出赴厲壇也前行風轉復舉帆風正帆安惟密雲布雨
垂垂漸溼過金橋鋪杉青牖酉刻抵嘉興泊北門外一路
邨落門楣船家柁尾多插桃柳清明景物得雨倍妍濟拈
香禪精舍集

卷

日記上

二

兩弟進城買銅器數事西圃叔所屬余見筠翁所用小火
鍋頗精緻亦買一具雨甚天晚遂宿於此昨行七十里今
日約百里筠翁過船來談

初七日己巳夜雨時敲篷背侵曉放行戍鼓聲與邨雞聲
相送回望煙雨樓雨止而風又不利過蘇公三過題詩處
僧院惟石柱屹然其後則一亭已新矣午刻過皂林見兩
岸邨人結隊競前水中短棹相銜婦稚雜坐過登雲橋橋
上下聚者如蟻乃見右岸有神廟額曰昌武左岸戲臺起
自由中道旁茶檣酒幔趕趁多人而戲未開場也過此乃
引纜行未刻過石門灣市鎮頗鬧舟人舍纜而帆帆不力

時急時緩旋又卸去申酉間抵石門縣由北門繞至南門
泊是日行八十里案石門與桐鄉宋以前稱崇德縣元升
爲州明析置二縣乃改今名甫暝見月黃昏又雨

初八日庚午五鼓卽行過雙橋十八里至長安壩壩水甚
平天霽風日清和循塘拉緯路直似繩一路又見水行陸
走轟集多人問之曰邨中賽會也行十八里已刻過許邨
又十八里午刻過臨平又十八里未刻過半山風大順舍
緯而帆半山一路桃李已謝惟梨花淡白掩映嫩綠中亦
殘矣氣驟暖舟中解衣作磅礴勢申刻歷北新關到杭州
進艮山門自半山至此二十五里移舟抵鬪富三橋王天
香禪精舍集

卷

日記上

三

成行河頭泊前有鬪富二橋鬪富一橋杭俗呼作豆腐誤
燈下作寄西圃叔一號信

初九日辛未晴晨起行李入王天成行適筠翁亦至昨舟
抵艮山門不得入也遂併其行李過塘筠翁與余先後乘
轎出候潮門至江頭投曹泰來行昔曾叔祖三松公到歙
展墓過杭時投姚君綸行今行尚在不知已更幾世矣移
時曹嘯賡雲來談與筠翁尤熟午飯而去嘯賡指江邊有
旗兩舟知是子宜姪志相眷口往衢州清河者詢之尙未
上船傍晚有同往之西席秦膚雨雲知余在此來談晚飯
後送之登舟余等僱定五艙鴛鴦船其艙兩兩相對可十

人臥同伴四人併兩僕而六統僱艙面言於明日開行是夕宿曹行樓上江干街後面臨河其右爲海月橋初十日壬申晴晨見清河兩舟未放遂登其舟再與膚雨話別少頃揚帆而去頗羨之我舟方裝貨累累半日不發西圃叔二號信附寄松生兄一函忽傳浙江學院張少司空溧卿由甯波回杭江邊船皆散泊留馬頭以迎遲久方到天已暮矣仍在曹行晚飯乃登舟宿舟子陳杏春與其子殿揚一舟明日同開陳翁年六十二老夫婦與其子婦暨孫男女外孫女一家骨肉藉以通力合作也中夜潮來兩舟相擊不定

香禪精舍集

卷

日記上

四

十一日癸酉黎明江干放舟無風不能帆舟人搯槳撐篙徐徐而上摩六和塔睇半邊山天色晴明江山空闊如置身晝中晌午至毛家堰毛一作梅纜三十五里舟停卡次報稅

候看艙遲遲不至舟子探之云將飯罷猶不至而停次之舟愈集旣而溼雲陡合陣雨驟來益復杳然迨雨過雲收良久良久傳聞在他舟挨次看來而百般搜剔隨在留難稅則已納復增票則欲書不下閱三時許乃得發放余問陳老前程共有幾卡陳老曰六重三完稅三驗票此第一重也義橋港口有沙梗殿揚之舟擱淺兩舟負繹者下水併力推移久之乃動動而復滯如是者三初更方泊問

其地右曰白窯左曰裏山是日僅行五十餘里枕上擬成
新樂府行路難一解

十二日甲戌天明開行三十里抵富陽先見一塔禿無頂
形如幢漸近見山顛廟宇赭垣綠樹煙景喧妍既至有樓
屹然俯瞰江流額曰春江第一樓西卽縣城爲江水所嚙
大半傾頽城中廛舍歷歷可覩筠翁云昔城未壞時亦見
城中高屋蓋牆僅及肩耳昨過毛家堰是蕭山縣境隸紹
興府今過富陽猶是杭州屬縣此犬牙相錯之勢午後西
南風息未申間漸轉而東始得張帆此處江形如之字世
所稱三折隴江口也過程噴歷窄溪暫泊卡次驗票放行
香禪精舍集

卷

日記上

五

里許天欲雨遂泊猶望見窄溪西市梢也

十三日乙亥曉枕聽開船卽張帆舟中前後通透風吹帳
開急起風大順行三十里已初至桐廬縣桐江驛掠而過
前進卽有灘舟子竭力撐篙而上上六港灘過鷺鷥源口
其橫港往蘭谿之路午刻過釣臺有東西二臺皆甚高仰
視負絕巖先生在千仞之表垂綸而下何以得魚殆意釣
耶臺下爲祠堂屋宇層疊間碑記極多惜不及一展謁也
入七里瀧卽冷水鋪諺云有風七里無風七十里蓋舟行
難於牽挽視風爲遲速然使風水皆逆將不止七十里矣
申刻至東館卽富春驛泊釐卡半時許前抵嚴州府南門

外泊時纔酉初登岸閒步西行里許有七郎廟適值演劇
駐足觀之聲色皆惡乃徧游廟中殿庭金碧壯麗殿後屋
已敗殿左屋盡毀惟殿右有龍神殿其後有方池池後屋
又兩層折而西乃闢圍亭亭踞高處額曰湖山一覽亭背
厯級再升有小樓眺望極暢面山一塔如在几案間俯見
廟門額曰古建昌殿不知七郎何神或云是前明戚將軍
繼光然尊之爲昭靈大帝聯額有海晏河清語而不言其
武功似與戚不合且將帥而何以郎稱也循途返前至市
集及城門而止門曰澄清返舟上燈筠翁不同途先返是
日行一百二十里杜牧之詩疊嶂巧分丁字水蓋自嚴州
香禪精舍集

卷

日記上

六

徑達新安曰直港由金華衢州而至新安曰橫港皆從嚴
州分路

十四日丙子晨發四山沉沉天陰如墨行數里遂雨已刻
自倒潭插而宗潭而馬沒灘午後雨益甚帆絳篙柁併力
齊施舟子皆窮笠樓蓑上灘時邪許之聲震於山谷諺云
一灘高一灘徽州在天上言勞苦也未刻至楊溪又厯一
二小灘過白沙埠入壽昌縣境上距茶園二十里而泊地
近童埠凡行七十餘里入夜雨不已

十五日丁丑夜闌雨止侵曉有霧行三里過猢猻淇筠翁
云上有賴布衣墓布衣精堪輿稱地仙歿葬此山後因山

背造窰風水乃破余望之古樹一株猶蔭如廣廈焉已刻
天齋過小溪灘水路漸隘晌午過茶園市鎮氣象闊大有
顯佑王廟橫額曰紹我見休又有新安會館葺治方新豎
額曰聖域濟川云昔我族營生於茶園者不少今寥落矣
七里至瓦窰埠三里至羅山墩十里至藻河俗稱早安鋪
十里過塔行十里抵遂安港口泊天晴路燥而通計行程
不及昨日蓋江流愈湍急也泊後月出山頭映波如璧自
嚴州以上兩岸峭厓石骨刻露其下水清可鑑石子巉巖
爲水衝激絕無稜角大者如盃如盞小者如珠如粒五色
備具凡上灘小泊時濟川拈花拾之注以水逾百數色澤
香禪精舍集

卷

日記上

七

形模頗有佳者特不中邊明澈耳

十六日戊寅晴晨發港口港口之灘曰官灘逾十里曰賴
爵灘又十里歷東溪源口抵淳安暫泊縣治無城於民舍
比櫛處關路作圍門有似城門亦顏曰澄清午刻過交鬚
灘一作羊鬚同行三舟負繚者十六人凡上灘十六人與三頭

篙併於一舟合二十人之力以次而上我舟在中前讓後

待輒泊岸時輒拾近灘石子裝爲之重矣五里至上石渡

卽小金山上有汪氏遠祖漢龍驤將軍墓去年汪振民之

展墓新安過此曾謁墓下十里至仰邨岡過一山相傳

方臘墓在兩山之坳左象獅右象象按臘爲韓蘄王所擒

滅安得有墓然聞瀆安至今尚有方姓也仰邨岡對岸名響山潭潭之響兩岸同之奔流澎湃飛湍怒起舟衝之其響愈烈十里過慈灘又十里爲老人窗前人紀程云然問之舟人不知也又前日錫行渡舟人稱錫灘過灘而泊泊處有索石如沙之積漲者山澗從其隙數道流出色如滾雪聲似轟雷倚枕聽之幾不成寐是日約行五十里接遂安瀆安昔皆隸歙州前明乃改隸浙江已到瀆安卽謂身已到歙可也

十七日己卯晨發聞雨聲蓋未曙時已雨矣已初過雲頭

潭已正過竹節淇又上一灘合四舟併力午刻抵威坪卡

香禪精舍集

卷

日記上

八

泊良久乃放行上威坪灘仍三舟合幫申初過和尚嶺申正過常潭至是山多層疊水多紆曲西初上滾灘真有飛花滾雪之觀其左峭崖直逼嵐翠森森下有水碓聲若沸羹近日所見水碓不一威坪堡下排列十數具尤爲聒耳過滾灘三里抵王家潭泊卡邊候查驗適天將暮遂停宿舟子指迎面一山云此山一面是浙江一面是安徽蓋距界口只五里矣

十八日庚辰夜有雨晨開船四山雲氣猶濃抵界口霽入徽第一處便有釐卡又須等候濟川登岸云自此陸行至深渡五十里可先傳語大阜也遂短衣挈繖而去舟前行

卽過一灘五里至八郎廟神爲越國汪公第八子廟食於
茲五里至米灘岸上爲米邨或云卽梅花灘因水中多石
離離如梅瓣故名或云梅花灘在界口之上八郎廟之下
或云更有木犀灘亦以石之形似名余初次經行均未致
詳惟舟中四顧山外有山岡巒複沓幾疑前後都無路者
皖中門戶天然謹嚴如此舟上米灘背縉者舉趾不前持
篙者全身以赴進寸退尺一步一頓而灘聲之洶怒令人
兩耳欲聾膽怯者往往就界口陸行非特欲速也五里牽
鑽灘五里橫石灘相去不遠而駕舟之難不啻數十里程
又五里至山茶坪舟人稱三汊源路稍平灘稍緩遂泊計
行三十里

香禪精舍集

卷

日記上

九

十九日辛巳早陰旋霽舟發過結陽頭歷小川大川白石
灘白石嶺水勢稍覺平善過十里長灘卽達深渡舟次作
寄西圃叔三號信備述行程又言路中有三喜三驚喜者
水不患多未曾坐水一也水不嫌少未曾走灘二也晴多
雨少時遇順風三也驚喜者他舟之梢衝破我舟艙門一也
桅竿忽折去五六尺二也老駕長足落水三也船戶稱
駕長午
刻抵深渡濟川來接卽同登岸至華生弟所開永隆店中
昨濟川借宿於此筠翁登岸話別卽放舟上屯谿去遂發
行李余乘轎進山度梨樹嶺天驟變黑雲磐磐雷聲號號

急行下嶺雨點如撒菽霹靂大震時世僕王賢隨余轎行引余入嶺畔人家避雨其家程姓堂額曰敬義移時濟川拈花亦至淋浪滿身互相慰勞深渡至大阜陸路二十里過嶺剛半陣雨旋收天清日出復行山中石路漸已向燥至大阜邨口下轎步入王賢導至博鄉堂見午橋弟心存尚志姪喬梓敘談濟拈兩弟繼至薄暮矣博鄉堂爲 七

世祖主政公舊宅遭髮逆之亂內屋及東西院大半殘破此堂經午橋逐加修葺頗完余欲就後軒下榻午橋云從前是耳房苟有小庭後通內戶今則砌作高垣周圍黑暗不可以居余承西圃叔命宿博鄉堂自亦以託庇 先人

香禪精舍集

卷

日記上

十

做廬爲樂況宿以卜夜妙不受風日閒憩坐堂中固甚軒敞遂定入夜翦燭快談濟川歸其家修吉堂余與拈花聯牀焉

二十日壬午枕上又聞雷雨聲向晨而息起見堂外牆頭露山天有霽色始瞻仰堂中堂建於 國初崇閣堅實巋然靈光堂額程之昌書梁間懸 誥命櫝四前有溫親王書額曰茂松清泉又前曰母儀人瑞爲 八世祖妣張太宜人九十壽立簷前額曰仁壽爲 五世叔祖默庵公立西間之上額曰掄才鳳闕相傳爲 六世祖敷九公歲貢立其下有孝廉方正額爲翰芬叔 紹曾 咸豐元年薦舉

制科立東間額曰闈閣完人爲東甫叔祖母方氏旌表

孝婦立 諸額年月余以短視未詳 余乞午橋爲導具香楮備衣冠首謁

宗祠祠在博鄉堂左大門上有狀元及第探花及第大學

士重宴瓊林諸額又七葉衍祥豎額入門正廳爲敦本堂

額萬厯閒武林湯煥書聯曰鳳舞鸞翔地椒蕃映衍家近

年常熟楊沂孫補書堂後厯階而上爲祠五楹有樓上自

始祖下逮近世余展拜自下而上再於樓上厯階而進爲

後祠亦有樓奉厯代祖妣又有總位題厯代遺名祖先另

設香案一一展拜蓋祠宇倚山而起故四層遞高其對面

亦山後樓列翠如屏正中恰向高巒樹林蔥鬱氣象極佳

香禪精舍集

卷

日記上

十一

祠經修葺舊貫可仍猶見制作之樸茂樓上有畏堂公書

額曰恩聯義別樓下有理齋公書聯曰春露秋霜無忘恍

惕愛存懋著以交神明階前有前明陳文莊公祠記西圍

叔重修祠記兩碑出至堂中見在祠尊長蔭廷叔祖 世補

步韓叔 遵焚 德新叔 遵銘 貴甫叔 遵啟 祠前寬廣旗竿石

排立十餘對由祠左轉至邨南師善堂中有文昌閣上層

奉奎星額曰萃拔此爲族中文會之所閣旁一龕供文會

中捐資出力諸公神位一一拈香畢乃詣邨口李王廟神

爲南宋中興將諱顯忠康熙閒 七世祖倡建此廟並鑄

大鑪乾隆中重鑄今又毀余就牆陰摩挲其款識廟旁茶

亭已廢僅留牆上汙可小休四字亭後闕帝殿尙在其僧
卽領公費備茶湯者亦進拈香乃返遂謁邨中諸本家先
到子格叔偉家得見略談天適飄雨卽出過博鄉堂其右
爲修吉堂卽至濟川弟家是 六世叔祖舜鄰公宅坐頃
返午後復倩午橋爲導至邨西爲德壽堂詩禮堂吉安堂
崇本堂承善堂元亨堂賢分堂得見者誠齋叔祖世修棟
圍叔遵煥步韓叔華生弟俊英餘皆留刺而出歸後篁齋
叔遵海與華生弟來答雲陰驟合雨又紛紛與午橋始議
族葬事

二十一日癸未夜又大雷雨徹旦德新叔元甫叔遵校來

香禪精舍集

卷

日記上

七

少時銳初叔祖世鑑來又有誠齋叔祖步韓叔華廷叔遵

燦先後來皆一揖卽去午橋偶言掄才鳳闕匾署康熙四

十四年與敷九公康熙二十六年歲貢之年不符兆下一

字年久難認因其認之眼明者識似夔字是篁洲公諱又

前一行書徽州府知府某公又與敷九公浙江仁和籍不

符東甫叔祖大阜三十六詠自注誤
余補頓敷九公年譜亦沿其誤此匾當爲篁洲公立因得篁洲

公出貢年分可補支譜之闕午橋又云文恭公思補齋筆

記其蔚公康熙甲辰入學支譜登錄作康熙丙午筆記

舅氏黃公春巖應超乾隆己卯舉人支譜黃夫人行略作

丙子舉人筆記乾隆癸卯子年十五應童試年譜稱甲辰

十六歲應吳縣試筆記年十三作蠟梅花賦年譜作十五歲此類皆當攷訂又云康熙七年戊申其蔚公三十歲先一年貢入國學十一年壬子入都鄉試歸時趙天羽給諫贈行有祇憶萱親垂白在萊衣歸舞勝爲官句是時筠友公年六十有四齊眉康健詩云祇憶萱親殊誤詩後書戊申春王月亦可疑此一事也乾隆己酉三松公五十歲鄉賢公二十六歲領鄉薦三松公年譜載八月攜子江甯鄉試支譜鄉賢公行實述己酉鄉試大父適抱恙府君試畢亟歸似是年三松公未赴江甯此又一事也余無以對之

棣園叔曉軒叔

遵旭

蔚堂叔祖

世炳

皆來子格叔仲良弟

香禪精舍集

卷

日記上

三

騶孫

喬梓同來談頃去午後約華廷叔同至社屋塢新得

地地坐小山後高前低縱隘橫廣華叔相度宜立乾山巽向又宜偏左以避石脊因界一中綫以志是時王賢挑祭品出偕濟拈兩弟詣擺鴨口謁十六世祖德輔公暨繼妣汪氏墓爲金牛脫軛形與本家三墓毘連各有封石字半漫滅矣迤左稍下爲二十世祖公調公繼妣汪氏墓墓右高岡云是文恭公展墓憩息處聊一眺望返博鄉堂適步韓叔來議族葬事華廷叔擬立一圖式午橋言各樞必須再查一確實期以明日得西圃叔一號來書附松生兄一函十三日所發

二十二日甲申晴華廷叔來與濟拈兩弟出查各處厝棺
余偕午弟詣羅家鳴謁 十六世祖妣余氏墓 十八世
祖以任公暨妣程氏洪氏 二十世祖公調公暨妣江氏
程氏皆耐葬其左亦有毘連並葬者竊謂當時已有族墓
之意此墓爲蜘蛛結網形一岡中隆四圍漸坦其下阡陌
縱橫左顧一望之地卽去冬師善堂所設義墓土色猶新
次詣苦千源汪家鳴謁 十九世祖仕源公暨妣程氏墓
墓在山半坐山恰正照山有兩峰形家言子妣登科第居
高位者一時必有兩地爲龜蛇吐氣形立明堂平臺望墓
甚高登臺三層乃至封穴前展拜層臺皆用甃砌而無石
灰亦形家之言也下山過一涼亭筠友公所建近重修牆
繪大士象聯云屋宇喜重新座上蓮花無邊世界慈悲存
自昔瓶中楊柳有腳陽春其閒山澗潑洄折爲漩溜隨之
而出返博鄉堂心存云蔭廷叔祖曾來答少時鑑堂叔
道
來幡然大老年七十有九童顏鶴髮於合族年最高華
鉅
叔與濟拈兩弟返知已查實二十餘棺午後同出詣小阜
羊鷺坑謁 二十一世祖文瑛公暨妣胡氏墓細路曲盤
山勢頗峻中道席地少息墓前宏遠幽邃惟見喬木坐山
兩肩圓厚漸坦至穴爲梁上挂金鐘形臺前俯矚山陽極
深午橋云文恭公爲殿煥展墓時曾於墓前演劇建臺自

鳴下起咸豐初修墓工匠登降非易三年而後藏返小阜
至貴甫叔家少憩出茶點相款叔年七十一尚康健務農
出至社屋坦謁 二十二世繼祖妣汪氏墓 二十四世
祖筠友公側室倪氏陸氏及二十五世伯祖漢先公暨配
張氏皆耐葬高叔祖晴皋公會叔祖問泉公叔祖東甫公
墓在其背之左亦詣一拜又詣茂林謁 二十三世祖玉
溪公暨妣王氏生妣劉氏墓其左族墓毘連約有三十棺
前有他姓墓與殯舍頗相貼近惟地稍下耳又至高路山
二十一世繼祖妣吳氏墓 二十三世祖側室薛氏耐

葬展拜既畢本邨諸墓已周歷矣濟拈兩弟偕同展墓而

香禪精舍集

卷

日記上

五

於順路歷查厝棺共得三十有四皆確實者又憶甫弟

先

一柩在祁門上平里僉議相去二百餘里往返須六七

日殊難舉動余聞邨中只有一人知其厝處及此不葬後
恐無考應卽託此人到祁揭骨以來又小于陽厝屋中有
義芝配吳氏一柩查譜中無號義芝者惟君素公亦舜鄰
公支諱世位號絕芝配是吳氏疑絕義音近之訛然君素
公暨其配葬社屋坦封石鐫字具在吳氏之柩不應尚淹
厝屋午橋云徽俗頗有虛曠先刻封石者則未合葬亦或
有之總屬疑案余謂同在小于陽厝基之列必係本支之
柩未便令其向隅不知世次權葬族墓餘地可也俛晚弁

英弟 鵬齡 解館歸挈守溪弟之子詩庭姪 言志 來見子格

叔兩日皆來華生弟亦來共談是夕午橋設飲弁英濟川

拈花弟暨心存姪同坐餚饌中有徽州風味嘗所未嘗酒

邊情話盡歡而散 未嘗午節邀也

二十三日乙酉夜風晨陰僱轎與午弟展謁十七世祖思

忠公暨妣汪氏墓在五渡上坑去邨大路十里為深渡往

來所必由轉溪上木橋乃陟山徑峯巒回互中通一澗澗

上山麓皆水田也里餘舍轎登山及墓眾山環繞有似來

就之狀名推車進寶形穴踞高朗地廣二十餘畝左右昭

穆為公兄思恭公暨兄子四人分耐展謁返風撲面益緊

香禪精舍集 卷 日記上 五

在五渡橋少憩天轉寒返博鄉堂與弁英拈花四人同飯

弁英奮然又偕拈花覆查未得實之棺逐一訪求又得三

四於是始無遺憾余擬葬位次序圖樣一紙與眾商之晚

兩誠齋叔祖步韓叔子格叔篁齋叔華生弟公招設席師

善堂偕午弟冒雨赴之諸公咸集惟篁叔遣其姪誦芬弟

培先 來七人談讌間竝議族葬事良久散歸雨甚 甚

二十四日丙戌晨將霽未霽午橋邀步韓華廷兩叔來先

酌量族葬工程然後出與做工者議做工皆是本家大半

長輩雖支分有遠近而招集必須周到乃免煩言諸人出

議余作寄西圃叔四號信仍附寄松生兄一緘靜之叔 遵

福觀連弟崇士蘭圃姪恒盛來皆承善堂隆分也侑晚叔

陶叔遵銘

來說蘇州話蓋自幼在蘇去年歸鄉與棗園叔

同住眾議族葬工程有與蘇地不同者一則山泥質鬆分立圓冢易致坍塌卸徽風後面厚爲窠土逐漸坦下前面墊石正方中嵌封面字碑若防若堂有數棺十數棺並列者今族葬合用此式二則開穴兩旁更開溝而實以炭蓋恐山水漸漬溝之則有所歸而不滯三則上面灰土踏實再加搗熟之泥使之融合名爲兩蓋又四趾豎立界石竝周圍砌起礮岸名之曰畔余一一承之所謂從宜從俗也

二十五日丁亥晴借濟川拈花至小干鵞看厝基可作葬

香禪精舍集

卷

日記上

七

地否路頗紆折至則地勢卑溼不可用返至博鄉堂後看舊時屋基牆匡階石略見形模東西兩院亦剩屋無多至松鱗別墅有剩屋五楹斷楠危椽搖搖欲墮面南一庭略存拳石花竹絕無其北其西頽垣可瞰中爲菜圃緬想當年勝境載於縣志所稱飛雲廊須靜齋惜陰書屋諸處盡歸烏有可勝浩歎門外荷塘葑艸塞之荷葉如錢不能吐萼折而東濟川云盍往社廟過鄉約所心存權乃翁之館於此入門一觀堂額曰樹厥風聲心存設塾堂後堂西有弄通於宗祠堂東看守者居之至社廟屋僅三楹神龕橫設牆壁盡畫神衛斑駁猙獰欲引人笑一拜而返拈花謁

其五世祖民允公墓知餘地被人盜賣訪問適遇買主已
犁爲田忿然來告余曰事在粵匪擾亂之時且多年未曾
歸省以致如此今既知之亟應清理蓋倩人與說備價贖
回乎拈花又云崧年配汪氏一柩已插師善堂竹籤恰未
收去今亦宜葬族墓德夫弟來亦能蘇話少時去午橋以
東甫叔祖世鑄吟古鏡齋詩集及翰芬叔紹曾冰壺秋月
齋試帖付讀皆印本僅存者又檢出鄉賢公及第殿試策
其觀當時策式每行只十六字擡寫處多不到底字亦閒
作帖體惟楷法圓整渾厚老成典型古色古香實見所未
見也族葬工程論價包做諸人言語不齊未能論定喚石

香禪精舍集

卷

日記上

六

匠三日不來殊悶悶

二十六日戊子晨又雨已刻放晴午刻陰未刻猛雨俄而
日杲杲出申酉閒又陰向夜雨且長再約做工人論價適
石匠亦到均說明日開工乃講定每棺工錢三千文昇棺
在內灰炭石料在外步韓華廷兩叔弁英午橋兩弟之力
也蔚堂叔祖子格叔眾人所服亦與齊言午橋檢出順治
八年族祖虎臣公所定宗祠規條伊已書版懸於祠壁此
其錄彙余留案頭擬手鈔一過帶歸吳門

二十七日巳丑夜枕聞雨晨起雨止出問諸人可以開工
候其早飯齊集同往社屋埕弁英濟川拈花皆去余欲去

適又雨移時拈花歸云中間開出一古冢乃復請華廷叔到彼相度移時返云留存古冢一排尙可葬二十棺古冢在左邊四棺之間余云當立石以志之步韓叔華生弟皆來晌午似霽留華叔同飯飯後余亦往見持畚鍤者四十五人詢之賢分二人昌分七人隆分五人亨分一人貞分六人清公支十一人源公支十三人明後日當增數人惟五大分中貴分無人四大分中元分無人皆他徙矣清源兩支皆我利分而源公支尤近看少時又雨遂歸以後雨凡三四陣愈下愈大濟拈雨弟復往各厝棺處編寫號數以免紊亂弁英檢出 其蔚公喪中祭文彙兩篇一徽州

香禪精舍集

卷

日記上

九

府知府羅鈐作一 敷九公兄弟之同案方圖許象亨江日升陳坦如方祺薦趙煜黃鏡先許璿許仁尙許其璨趙燁江之岷洪遴黃禮葉嘉桂胡正履許宗岳許起昆十八人公送之作午弟因悟羅公卽掄才鳳闕匾上之徽州知府匾立於康熙四十四年 其蔚公歿於四十五年匾款黯淡難認而眼明者依稀認是羅字證諸此文年分恰合此亦數典中之攷據也

二十八日庚寅晨陰宗祠規條及祭文均鈔竟往族墓看工第一層開下二尺餘底面已平華廷叔來將山向規正之卽開炭溝做工有五十餘人將厝柩漸次昇至晌午返

午後欲往天又雨矣弁英述及 其蔚公墓向有祭田徵人謂之膳塋已被族人盜賣其人益累世經理此事於同治初棄賣淨盡他房從不與聞不知田之畝數及田之所在殆已無可查攷惟墳糧歷年未完則爲子孫者心實不安必須設法余聞而忿然擬卽作書馳告西圃叔夜蔚堂叔祖華廷叔雨中來談據聞做工人偶語欲停工各散余曰皆不來耶抑有來有不來耶或諸人中有藉詞欲加值者吾竊料其未必齊心也

二十九日辛卯大雨達旦起視山光沉黯簷溜淋浪墳工果欲停矣寫對兩副一爲午橋之表兄吳敦三亦我表兄

香禪精舍集

卷

日記上

二

也弁英檢出 其蔚公墓圖詳註得地細數又冊兩本載

筠友公 其蔚公兩墓逐次所得地契及看守人承攬

歷次官給禁約告示底稟余按松鱗莊所刻支譜墳墓記自 其蔚公始所載得地年分與冊吻合而總計畝數不同初時不解細審之有添置之地冊中未載也然此非膳塋之田固班班可考始議定往祁門揭骨者兩人一善揭骨爲本家鳴鹿一知厝所爲曉軒叔處世僕吳華

四月初一日壬辰晴晨欲詣 宗祠聞撞鐘伐鼓聲卽具

衣冠往拜因復瞻仰敦本堂中有蔚其蔚公五品 誥命

盤龍匾又有五世同堂豎匾爲霞城公立 子格叔
之曾祖 東間盛世

鴻儒匾爲 其蔚公立學就三餘匾康熙二十六年爲

敷九公歲貢立斯與博鄉堂篁洲公之匾判然明確矣又
信安飛將匾爲廣東肇慶府參將潘可鵬立午橋云隆分
二十三世祖也西間瀛海仙曹匾爲畏堂公翰林立績學
敦行匾爲東甫公立正中張子青之萬書紙對云祥發閩
山子孫繁衍治宣欽阜俎豆馨香西圃叔柱聯云俎豆煥
重新春露秋霜共仰循良貽世澤簪纓絲勿替吳山皖水
相期耕讀守家風樓上亦有盤龍 敕命匾名潘文有午
橋云仕清公支下也樓下中間有鄉賢二字匾東有揭德
振華匾西有監察御史匾出見大門北嚮有孝義二字匾

香禪精舍集

卷

日記上

五

嘉慶十八年尙書鐵保爲 其蔚公追立兩廊及簷前懸
翰林進士文元經魁貢元等匾不及一一詳視午橋擬添
兩匾一爲祖孫兄弟鼎甲一爲祖孫父子伯姪兄弟翰林
又擬七代科甲四世翰林兩匾余曰只可稱七代登科然
七代四世方興未艾何必舉其數相與一笑返坐少時出
至族墓華廷叔諸人咸在五世叔祖默庵公配注宜人歿
己一百二十五年起其柩底且脫將揭骨於匣啟視則赫
然一尸全未腐變乃購棺重斂外衣隨手碎如蝶瓦以衾
襲之高叔祖皆山公暨配吳宜人皆歿於直隸任所兩柩
本同厝有一大柩昇出有字乃吳宜人而皆山公柩不見

眾共揣詳始悟傍有舊厝遺跡約可三棺地步蓋厝屋坍塌棺久暴露去冬師善堂義墓專收暴露已將皆由公同齋公暨配胡氏三棺收葬矣於是第一層邦宗奕三輩二十棺登位華叔爲之正向晌午返申刻又往看至歇工而歸余謂做工者曰此番族葬爲族中公事諸公勞力亦是義舉願共勉之皆曰諾

初二日癸巳晴作寄西圃叔五號信上午在族墓看工返留步韓華廷兩叔午濟拈三弟六人同飯飯後至程卹降丁坑源口六世叔祖舜鄰公墓過蔡烏憩紅廟歷程卹度木橋可十里許至墓展拜步叔爲指示所謂琵琶形者坐山爲琵琶之頭墓前田外曲水圍繞爲琵琶之腹墳後程卹口向有水碓琮琤琤爲琵琶之聲至蘇地傳聞有淵水四條出於墓前爲琵琶之絃卻是訛傳惟田外一水環抱對面高岸亦作環拱勢聳石本極堅固年久被漲水衝塌小修無補近來鬻缺益多適當正面破相有礙風水云時立水際呼卹人負以過水過則不復度木橋繞程卹矣里許入藤坑源藤坑疑卽丁坑土人訛稱而歧其名耳登山詣十三世祖梅春公墓公生南宋時封石爲嘉慶中敦本祠立展拜周覽循原路而下出坑口卽蔡陽步叔云今闔卹皆王姓矣過王氏宗祠及支祠出卹有新涼亭亦

王姓所建少坐時斜陽隱去濃霧驟來華叔指西邊山云
此中有雨我儕遡東而返未幾雲陡合如追躡者將近本
邨雨颯然至幸攜遮日一繖卽以遮雨亟行返入夜雨更
大弁英設飲移至博鄉堂坐中卽二十二夜之人

初三日甲午霽族墓第二層開平底面亦挖炭溝卽接上
溝通下移時昇世遵兩輩十七棺登位一一視其排次華
叔正向畢返同飯飯後又往看一回石匠在鄉約所歸途
視之用小干鴉厝棺橫石豎作封面令匠先剗平之午弟
眠其廣狹書曰第幾世某公其有兩位或三四位者則夫
婦合於一云昨子格叔以小象屬題又出示 思忠公墓

香禪精舍集 卷一 日記上 三

圖今來談竝述此墓旁地曾有盜賣之事幸覺察早立契
日卽諷止之又言徽州完糧則例凡山稅以五畝六分一
釐折實作田一畝完銀一錢二分三釐七毫一絲地稅以
四畝三分四釐折實作田一畝完銀數同此祖籍徽州者
所宜知也心存姪知余有游黃山之意以寄蜉老人邵綺
園 黃海紀游一卷借示邵歛人游黃在乾隆乙卯又有
廬山紀游徽志補正聞見晚錄各種觀此益增游興矣
初四日乙未夜來暴風急雨但覺林谷搖動屋瓦皆飛殊
駭人聽晨起勢稍殺猶汨汨未休墳工又停矣邨中人言
問政山有烏龍井爲產龍之所每年二三月間龍必歸省

其母雷雨冰雹多傷田麥民舍微人患之迨程公祖洛顯
貴與張天師善從容言之天師爲牒龍屬緩緩來去自後
雖有風雨不爲害矣傳聞雖誕然龍亦猶人歷年多而性
漸馴理或然歟驚悉三月初十日

慈安皇太后升遐僻在山陬至是始聞前日寫大小對四
副今兩窗又寫摺扇兩面題子格叔小象三截句東塗西
抹不知所云而午橋仲良又各以題件相屬午後霽同午
弟至子格叔家移時出至鄉約所看石匠鑿石鐫字弁午
濟拈諸弟或書字或填色封面石二十四志古冢石二界
石十以次刻之本家又有兩人來一日天保一日榮貴皆
香禪精舍集 卷一 日記上 五

我弟行與之言簡而質自云連日農忙不曾來見一坐卽
去頗有懷葛之風

初五日丙申晴東北鄉兩墓尙未展謁雨晴不定逡巡者
一旬矣就邨中僱輿夫藉口農忙索費昂甚至命人往
深渡喚去族墓第一層加葺石畔中嵌封石監視排列少
時午橋導至 十世祖成忠公墓公字彥成宋紹興間領
桐城縣事授成忠郎 二十一世祖將仕公祔葬公字篤夫
又至 十五世祖叔齡公墓公諱 壽與兄諱 德公竝葬生
卒無考蓋在元時兩墓皆在後塘源山路紆迴有似隔遠
耳叔齡公墓去年重修字版猶新返路再至族墓及石匠

處與步韓叔同至博鄉堂飯後又出至七世庶祖妣顧太碩人墓在方邨道人坦凡五七里石板大路過大阜橋又過北岸橋兩橋濶大相匹一屬潘姓一屬吳姓北岸橋上建屋十一間中間龕奉大士兩旁設長坐以丈計施茶湯賣食物藉療飢渴過吳邨卽方邨邨尾轉小路數十步至墓墓乾山巽向爲八世叔祖公華公仲芳主穴顧太碩人祔葬於此紫垣公爲所撫養封石土稱先慈母稱奉祀男云左邊坐廂石王損壞連及羅城均須修理華廷叔是公華公支同往爲言此墓自方氏造屋當前遮卻照山又適對後門小弄門邊又作毛厠風水破壞矣出大路再前

香禪精舍集

卷

日記上

五

至方氏祠堂外瞻眺造其對門錦庭書塾生徒八九塾師相見與濟川素識號志眉餉客茶煙因略坐談旣出濟川曰是廩生也路口一亭牆上畫象似呂仙一手一杖皆作指引狀龕額曰示我周行聯曰策杖指迷歧途莫誤然燈普照方便時行再過吳氏祠堂其傍屋曰于岸文會進觀曰敘倫堂亦宏敞返至大阜橋少憩途遇信局人得西圃叔二十五日三號來書附到松生兄一緘返卽作覆傍晚又至族墓一回燈下寫完六號蘇信又雨吳氏祠堂初六日丁酉深渡轎夫昨夜卽來夜大雨向曙暫止冀其漸霽且轎已預備無可躊躇遂與弁英午橋濟川拈花及

心存六人出邨坐轎已小雨過蔡陽丁坑源雨來漸密行
數里甫登佛嶺驟然霹靂數聲雨傾盆下輿夫登陟惶惶
然勉至嶺頭涼亭避雨俟雨勢稍緩復行行復急至牌頭
邨店少歇以塌果充飢前不一里至渡口有船六乘轎分
兩次以渡山轎上漏旁穿都不能蔽瑟縮其中惟聞風聲
雨聲樹聲澗聲帘下俯視山徑積潦輿夫行水中猶能飛
步午刻至寶池庵庵倚巖爲屋樹間石罅泉流爲澗匯而
成池其客坐僅十笏僧曰金彩短衣艸履一曰就來癩
而禿若天使爲僧者坐定議行止葉備鳴卽在對山徇雨
止猶可往然蒼溜浪浪浸及階戶俄而就來來言前山路

香禪精舍集

卷

日記上

三

沒於水王賢買物還亦言水深及膝午橋濟川本與僧相
識從前修葉備鳴墳曾寓此遂定止宿計因瞻仰佛殿只
三楹東向迴廊三面無處無佛殊鮮隙地庵門南向正對
列岫其下牡丹數十叢花時已過菊芍蘭花一箭客座壁
間游人賦牡丹詩甚多然終嫌湫隘也傍晚雨漸稀王賢
在近邨賃得絮被八條僧爲設鋪於殿傍小樓坐候天暮
煮麩爲餐移時就睡樓更卑陋惟黑甜鄉寬大耳
初七日戊戌黎明起天有霽意盥沐畢卽詣我
筠友公暨妣張太宜人墓石路略乾泥路頗瀟瀟則倩輿
夫負而前至墓觀所謂鳳形者坐山尖挺爲鳳首照山一

峰微藏爲鳳尾左右層巒聳列爲鳳兩翅有翔舞之勢弁
英攜墓圖展開對觀祭品用整雞魚肉三簋皆乾腊餘則
筍韭等及粉製挂紙果向例用全猪羊兩架鼓吹四人今
從省展祭畢回寶池庵喫粥輿夫亦與早飯乃得飽騰昇
而行昨雨沒之路今退而見石者十之四五澗水奔注萬
壑齊飛或跨之而過則腳底潺潺時沒逾脛四山濃翠道
染鮮新好鳥弄晴鳴於深樹晚春秀野心目悠然所過涼
亭數處曰且憩曰順和曰三益有一處石上橫鐫惠風和
暘四字筆意似摹右軍此放水蘭亭也路漸高爲金鍋嶺
皆舍輿而步余尙著屐履而登遇行潦汨汨如修蛇如舒
香禪精舍集

卷

日記上

三七

練不屐者履皆溼矣過嶺山勢仍昂小石犖确蹊路久而
失修過此爲北鄉飛布山在望移時至金盆坦同善亭而
停其傍莊屋看墳人所居叩門入一老嫗爲墳丁許社開
之母莊屋向係三楹對照皆樓兩廂上下皆相通遭亂外
進及兩廂毀修葺爲兩廊俾設爨具置農器焉我七世
祖其蔚公暨妣羅氏宜人庶妣沈太孺人墓在屋後山半
躡而登營建與葉備鴨同惟築案與羅城相連若環墳臺
在下大雨之後積水盈尺茅艸未除漫漫如蘆塘王賢與
轎夫兩三人持鎌去艸僅於排設祭品處掠盡水漬以祭
余四顧形勢冢頂之右古松一株蔭如張蓋想當初原是

兩株相對猶有松鱗餘蔭云墓爲風飄羅帶形蓋飛布山
左右兩峰岡巒起伏飛動穴在中春之下兩旁若羅帶之
飄然午弟云形家競稱此爲名穴左近有潘尙書胡侍郎
墓穴皆遜之

尙書諱旦字希周婺源人宏治乙丑進士
官兵部侍郎提督兩廣卒贈工部尙書

山勢稍轉爲明

閣輔許文穆公墓由潛莊進路潛莊邨聚屋宇攢簇可曠
弁弟又出墓圖周視而返同善亭中巨石刊刻歷次得地
及給墳丁耕種田塘細數三松公所立也許社閃迎來問
以何不早刈茅艸汝家居有室廬食有田產而世守之極
應勤力以時掃治何懶惰至此又問臺前積水有無溝道
可通對云向來雨後皆然並無出水之溝入坐其母供粥

香禪精舍集

卷

日記上

天

及雞子轎夫亦與之飯而償墳丁以錢余與諸弟議每年
只春間祭掃一次何弗省體薦鼓樂爲秋祭之費吳地掃
墓皆春秋兩次意在展視之勤不在禮儀之備也諸弟以
爲然良久起行遡歸途數里至登第橋五世叔祖裘英公
律和公墓默庵公側室汪氏高叔祖爾容公配吳氏均祔
葬余亦一拜將由東而南阡陌交錯或水沒艸長迷不得
路路窮越澗而過里許折回仍越澗幸未墜水乃改途穿
城走至黃荆渡橋凡十一洞而斷其二有渡船在然河
面較牌頭渡尤濶水尤溜也過渡得進城大路遂入縣城
東門曰德勝門城中亦有積潦午橋引余步入府城東門

蓋兩城相比附也半里許至學院衙門將舉科試方事修理因入瞻仰大堂額曰體認天理曰鑑空衡平聯曰桃李徧新陰地近三十六峰多士竝鍾黃海秀宮牆侔闕里薪傳七百餘歲幾人能讀紫陽文宅門內曰內省堂旁爲學使臥室左右各兩楹進一層爲幕友住屋及庖廡所見于子出入者多試士詢知婺源童生例於學使將臨時府試以免往返故此時咸集也出在衙前喫麵空轎舁至南門等候余買得新安景物紀略兩本前行過張文毅公祠出南門得轎以行大阜爲南鄉路尙三十里過望仙橋爲李太白訪許宣平遺蹟循紫陽橋麓瞻霞山塔地名七里兜香禪精舍集

卷

日記上

五

十里至稠木嶺少歇又十里至瞻淇歇以待燈步忠烈祖廟前汪越國公廟也六轎各懸一燈於杠魚貫而行漸無所見下帘默坐每聞人聲則過一卮落及本卮下轎步入返博鄉堂子格華廷叔陶叔皆來道勞苦華叔留晚飯去知族墓第二層封石亦排嵌成矣

初八日己亥夜來復雨雨復竟日昨得展墓猶大幸也是日立夏徽俗戶具湯餅余得午橋所餉食之往祁門兩人歸揭骨事已辦得

初九日庚子雨勢漫漫夜雷助之霧將山壓乃復竟日悶坐作寄西圃叔七號信又致汪銅士端卿弟兩函又代拈

花作寄寄梅叔一信弁爲一封交信局寫題午橋弟小象律句兩首寫便面兩頁弁英弟冒雨赴館去

初十日辛丑晴族墓停工兩日至是侯石匠鑿石工仍停借拈弟至開鑿處在山腰峭壁閒鑿頗不易山上赤日如炙循路下迎面恰望見族墓也昨以五尺餘大石刻作松鱗潘氏族墓碑午後刻成余欲搨出一本僕胡福生自云能之遂搨兩紙一留大阜一攜歸吳門碑亦午橋所書左行曰乾山巽向右行曰光緒七年四月立華廷叔云須再立禁牧牛羊四字一碑卽選石屬午橋書之

十一日壬寅陰東風甚大族墓第三層開平穴場接開炭溝午後先字輩四棺登位又義芝公配吳氏一棺葬餘地高處竝立界石於四隅砌礮岸於四圍立大碑於穴後高土倚山處余到兩次返作致程筠翁信前月杪已有信寄屯谿轉寄上芳干邨未得其覆音

十二日癸卯晴以昨作書託心存進城科試之便覓彼處應試者交之華生來談頃去族墓於第三層未完外凡砌畔岸立字碑平拜臺於出路處安小石橋於正面設祭臺拜石五十餘人併力申刻一律告竣備祭品五簋一點酉刻具衣冠偕諸弟詣祭以妥幽靈並告酹土神復周視一巡而返查有已葬未立封石者乘石匠便爲之補刻凡四

石一世旒公暨配汪氏世哲公暨配孫氏世旒公子遵錫
公祔葬墓在撒網形一宗磐公宗吉公宗遠公皆律和公
子未成室者同葬高路山一奕炯公暨配范氏子世求公
暨配姚氏祔葬一奕燾公配張氏奕業公配吳氏世騏公
配姚氏蕭氏兩墓皆在高路山四碑刻竣石匠亦完工夜
以餽餘請諸公便酌蔚堂叔祖步韓子格叔皆他出惟華
廷叔來午濟拈三弟同坐五人而已社屋坦老墳喬山公明
繼妣墓
堂雨後輒積水地在平陽晴亦沮洳知其中有溝道宜修
而通之前日用十二人先平浮土竟日猶未了而溝未動
也余嫌其延誤攔起此後擬終成之

香禪精舍集

卷

日記上

五

十三日甲辰晴題仲良弟梅花帳額一絕華廷叔交來少
康欵對又備送人條幅扇面各件破半日之功寫之飯後
得西圃叔初三日三號來書卽作覆爲第八號託午橋交
去濟川爲核算各帳逐項開發通計連地價約洋銀二百
四十元晚華叔來留與夜飯細談薄贈以申酬謝之意
十四日乙巳晴又寫條屏三幅曉軒叔以一對一扇屬書
對爲十月中蔭庭叔祖五十壽用撰句并扇揮之余以寫
件酌分以贈諸本家爲誠齋銳初蔚堂三叔祖子格叔華
生弟五分均由午弟交去又另送弁午兩弟便面條幅前
行篋所攜書籍石墨等物已分贈篁齋子格華廷叔弁英

午橋華生弟諸人無非半紙人情也傍晚聞子格叔自城
中歸同午弟往詢城中近事叔已爲余覓寓在城西如意
寺與僧定約矣踏月歸

香禪精舍集

卷

日記上

三

歛行日記下

長洲潘鍾瑞麀生

十五日丙午晨晴方盥沐聞宗祠鐘鼓聲卽詣拜返束
行囊僱一人負之偕午橋挈僕進城三十里平坦大路安
步當車並肩閒話一路看山自蔡陽而程邨降而留邨過
孝女里至瞻淇入汪王廟卽前日所見忠烈祖廟也又二
里過金雞石半里過汪家墳前有兩池皆如月斧形凡野
廟涼亭可坐可憩處輒一駐足途遇乘轎自後來者見午
橋下而接談問之姓李號采芙邑中名貢生住深渡之鄉
同步至楊邨墓關廟旁大樹一章盤根錯節枝幹扶疏蔭
香禪精舍集 卷 日記下 一
可一畝其下設坐處賣茶點因共坐談疏雨霏霏自樹間
出采芙別去過五里牌至稠木嶺少歇遇城中赴試歸者
問以昨日七學試題云是通場夫子喟然歎曰至孰能爲
之大賦得煎成車聲繞羊腸得茶字雨來或密或稀過七
里頭午弟指霞山塔有隨人旋轉勢對面上又一塔曰
迴龍其頂截平相傳是翁媳分建媳欲勝翁故雷擊其頂
此齊東語也過八郎廟問如意寺路乃過紫陽橋橋在紫
陽山麓駕練水之上長數十丈折而右亦有石路稍紆而
欹雨忽大循魚梁壩旁以進樹頭濃滴溼徧衣裳路中積
潦浸及鞮履芒芒然行三里許登山七十二級乃至如意

寺闖入換去衣履方與僧揖僧凡五長老法興年六十二
爲僧綱司次曰培根曰淨虛曰戒得曰戒凡纔十六齡先
具茶點又設湯餅俄而雨中見日俄而日朗雨止午弟借
僧屐入城至心存寓不值而返晚與興公談伊二歲卽出
家中年曾歷四川峩嶺湖北江西至浙江游天台普陀此
地黃山尤所熟游因而間途殊爲神往

十六日丁未夜宿佛殿前寮與午橋對牀晨起不晴不雨
出寺間眺寺俯練江對岸郡城城頭諸山聳列在城中者
曰烏聊界城內外者曰問政其外淡青微碧最高大者曰
飛布此間乃城陽山許眞君成道處從寺牆左轉拾級而
香禪精舍集 卷一 日記下
上見殿基轉而後爲妙法寺法興引入一隨喜焉主僧曰
萬德妙法之後望見崇宇云是經藏寺此山唐爲興唐寺
宋爲太平興國寺中有二十四院後存其十稱太平十寺
曰應夢羅漢院五明院福聖院淨名院等覺院長慶院蘭
若院今七廢而三存長慶院前有長慶塔尙存還見門額
三字曹文敏公書殿上有曹文正公柱聯又一聯云肯辦
出家有甚麼萬緣難斷欲求超世法除非是一念不生
殿後安和堂又有文敏墨跡聯云雲過衲衣松影冷日臨
經帙艸堂深朝食畢與午橋步至河西橋橋長八百尺雄
觀甲於皖地捫讀橋記登橋及半遇心存出城來會於橋

心之亭亭奉大士聯匾不一有一匾曰中流水月有一聯
曰大士現身今古盡超無量劫長橋度世往來誰是有緣
人少坐亭中遂同進城橋盡數十武卽西門門內卽府署
署東陽和門直接察院街游觀少時至胡開文墨店選擇
購之忽得筠翁芳干來信因就信中語訪休甯汪篤斯寓
問篤斯之子維新乃見維新之弟致言筠翁信云十九日
來城當在如意寺靜候到時望指引會晤至心存寓同寓
者有李采芙及心存外舅姚以周暨其子姪姪卽心存妹
夫閒談片刻復至試院前徘徊旋與心存出城過河西橋
橋有太白樓額曰仰斗閣因太白訪許宣平至此有問津
處望仙橋遺蹟登樓一眺風景空曠得山水之清樓牆畫
太白見許真君遺事聯云我輩復登臨看此日賸水殘山
猶留畫本斯人不可作想當日百篇斗酒誰繼豪情額云
第幾醉鄉樓下關帝殿神龕聯云聖德奉三無尊無二上
明禪歆九有獨有千秋返於寺寓午橋亦來持西圃叔初
五日四號來書有致午弟一函並松兄家書方志眉偕侶
來游興坐談去時看寺門晚景絕好畫圖僧云河西橋下
里許通名碎月灘案志碎月灘爲歙浦出新安江第一灘
因太白游興唐寺有檻外一條溪幾回流碎月句故名夜
半弟欲一觀碎月之景僧云此時月影不照灘前因就寺

有平臺列坐以觀少時微寒返臥室心存同宿

十七日戊申曉枕雨聲與鐘鼓聲相應起登南樓看雨遠山藏黛近水沈波樓架巖際三面憑虛惟見一色空濛擬其景隘於甘露寺而廓於煙雨樓也午橋傳法興言乞余寫對昨在城中買得硃牋及生料半牋令其自擇興云都好余聞其修葺千佛庵也曰一懸此寺一置彼庵如何老僧欣然遂爲磨墨書此寺聯云雲中高樹綠扶塔雨後好山青到門書千佛庵聯云名佛有經千相在問仙何處一津留已午之間雨勢傾盆練江中驟漲四五尺積沙盡沒江面頓濶波挾沙流泛爲黃色未申間稍殺心存亦借僧

香禪精舍集

卷

日記下

四

屐進城余作復西圃叔九號信並復松生兄信令胡僕進城交局酉刻雨住偶步門外四山猶坐濃霧中

十八日己酉晨起嫩晴午橋欲歸大阜路尚難行法興取出漢玉數件畫軸三幀屬爲品評漢玉皆精品小琪璧其白無比畫爲丁南羽達摩象漸江和尚山水雪莊和尚雲

舫雪霽圖二人皆徽人雲舫在黃山爲兜率庵皮蓬故址

蓋對景寫者

雪莊自淮陰遊黃山愛兜率庵故址仍覆以樹皮後皮蓬之舊輿後易庵名爲雲舫開齋公遊黃山曾訪之師嗣石上團松爲贈

公復導至寺後山路盤旋歷指蔓艸荒煙中某處爲某庵某所爲某院蓋十寺之基又有不在十寺數中者直至披

雲峯下興云峯頭禱雨輒應案志披雲峯顛有亭泗州頭

陀呼雨處故至今傳其靈蹟維時空山無人但聞澗水深
林澗美芳艸如茵染我襟裾鬢眉都綠迴過經藏寺寺亦
重建殿方艸創出由妙法寺後門穿其寺而返飯後午橋
行與之偕出紆道由河西橋而後圖南余進西門尋登瀛
里心存寓心存方飯飯竟同出至徽州府學中瞻仰進路
東向折而向南牌樓兩層甚壯明倫堂兩廊深遠升堂見
挂白設幕中置黃亭預備接

哀詔哭臨於此堂後東西兩署靜若無人堂東爲大成殿
堂殿之間有居守者婦稚雜處殿門洞開余捫其碑記多
前明者近則曹文正公一碑耳出更繞東過泮宮前望尊

香禪精舍集

卷

日記下

五

經閣頽圯及半又東爲朱文公祠窺其門艸蔓階戶藤冒
屋檐矣路轉而南心存引至察院前閒眺良久歛休祁影
四縣文童頭排出場間知歛縣題是以後世無傳焉臣未
之間也無以次題如用之至皆不及門也詩題雨後亂蓑
堆野艇得蓑字一等覆試案未出乃別心存出城憩於河
西橋仰斗閣下南北孔道兩面之額南曰六水迴瀾北曰
五峰拱秀五峰指五魁峯言余遂幽尋得入陽往千佛庵
之路而不得其深際返寓祇一人喜有法興善談爲余破
寂又出兩印一墨晶一燬石欵作嘉靖某年三橋未見妙
處夜與同飯復談片時睡

十九日庚戌薄陰微雨旋霽午後偕法興出游由河西橋轉入南門登烏聊山不甚高及半望如意寺恰在對面其顛有東嶽廟造之見短衣盤礴者不作道士裝淪茗坐憩門前有烏聊山壘記一碑按漢建安時毛甘以萬戶屯兵此山隋末越國公汪華亦嘗屯兵唐時立越國公廟於上今毀過一廢寺惟佛座石臺及山門石柱猶存一鐘臥地瓦礫泥塗積其中興公曰飛來鐘也余曰棄而無用何不飛去興又曰萬壽院亦剩一鐘懸空梁閒傍溪寺廢無片瓦余曰傍溪寺筍麪最佳卻不在問政山興曰問政山僧院三四處寶相寺爲最問政之筍色白山僧取其中製

爲脯十脯爲束可以貽遠余曰是真玉版也興曰寶相廢筍脯絕矣談次下山投城北天甯寺行里許過乾明觀循武廟乃進寺府學在其西寺惟地藏殿獨踞高處翼以兩廊僧所棲止亦少坐啜茗其後殿基更高倚北門城牆矣由舊路至察院前少停出城時尙早拉法興導游千佛庵遇姚氏昆仲知心存一等第三今日覆試爲之欣喜入山鳴境極幽深約三里許登嶺嶺高倍于烏聊塊礫兀兀履底旣至嶺頭復稍下乃抵庵山門正殿皆已鼎新正對一山尖曰筆架山其旁聯屬者曰五魁山坐山曰紗帽山以形名案志云五魁山峰如豎掌近對郭門實啟文運曹文

敏文正公皆讀書於此門額亦文敏書殿柱聯云千佛駐
禪關重新寶相莊嚴滿天法雨五魁環樂土依舊菩提密
證此地靈山殿石西向三楹後爲庭前爲樓蓋前臨低壑
也外爲鐵塔亭地塔具千佛今毀僅存大小碑記兩石坐
憩試茗移時下嶺河西橋畔夕陽無限益覺日晷之長返
寓培根出天台雨前茶旋煮以進味殊媚舌
二十日辛亥晴進城問程筠翁來否至心存寓拉之同往
小北街芳干汪寓見篤斯云筠翁在屯溪由屯溪進城故
未到出復至心存寓姚以周暨其子姪回深渡別去余亦
出城天氣驟熱法興又磨墨持紙乞書爲書兩對一扇欸
寺寓是日在城中買黃精葛精各少許攜歸試啖之

二十一日壬子晴偕午橋進城過心存於西城坊同步遇
汪篤斯方志眉各敘數語購摺扇一柄攜之先出城到寓
卽書之以送步韓叔少時仲良弟來弟已出貢今就錄科
少時心存來同飯飯後筠翁來晨自屯溪至此五十里重
爲治飯話彼此鄉間墳工事因訂黃海之游去時送之河

西橋遂登太白樓仲良心存借下樓筠翁坐轎仲良步行
皆去心存同返寓隱隱雷起淪淪雲升霎霎雨下心存復
借僧屐而去城外陣雨頗急城中竟無一點黃山之約筠
翁謂明日未能決

二十二日癸丑果雨且密而長淨虛以便面屬書一面有
白描六賊戲彌陀極精緻不署姓名但稱散花使者畫於
西湖精舍素面有污跡余就上半未污處橫截書之用輕
淡筆欲與白描相稱也戒得以便面乞午橋書淨虛復以
余未書處乞補其半務使無空殊不可解雨未片刻閒登
樓四望江光天色上下混茫疊嶂層巒無復蒼翠都渾於
水氣中向晚大阜遣人送昨所接西圃叔五號來書啟祝
是十一日在綠畝山莊所發爲金盆坦膳塋一事意懇懇
然燈下助復爲第十號午弟亦作一牋同寄

二十三日甲寅微雨旋霽昨作信帶進城交局午橋同行
河西橋驟漲城中尙有行潦在乙照齋見歛縣新進招覆
案有潘之澍一名午橋云亦刺史公後而非大阜人也又
吳承霽者心存之門人訪筠翁於芳干汪寓晤談片刻培
根引一老僧來求筠翁脰脈培根亦知醫而重筠翁之名
也無事遂出城午後筠翁來如意寺訂定游事明日約於
河西橋是日余因家忌持齋老僧特備素麪甚佳

二十四日乙卯蚤起收拾行囊舍其不必挈者交老僧候肩輿至筠翁適至會于河西橋午橋送于橋下兩人行李擬併作一肩肩者不肯乃添一人則甚輕矣合一僕四轎夫九人投黃山而去自古虹轎歷古城關過百花臺至潭渡稍停左轉有巷巷口石坊鐫篆曰貞白里攷鄭師山爲貞白先生子此當是鄭氏故里又所經涼亭有顏檀于二字者其地名謂姓謂樹不可知已前行過鄭邨至唐模見圍亭風景軒豁輿夫云許氏所構有亭曰響松有廊曰清聽此臨溪向外之額也雕牆曲檻想象幽深輿夫又云池中五色蓮花每屆花時官府亦延客來賞前行抵潛口

就邨店借爨案潛口卽阮溪黃山有浮溪容溪曹溪阮溪皆以仙人得名潛口爲黃山門戶進口則滿目皆山矣陟程坑過楊千向有楊千寺宋寶祐中丞相程元鳳建游黃山者至此暫憩或借宿焉今廢已久至容溪見石橋刻容成境三字溪上巖岫綿亘樹林攢簇顧盼左右不知其端小雨一霎逾時而霽越牛頭口抵洽滄行六十里投宿蔣翁家翁年六十曾到姑蘇販茶能言昔日山塘風景翁居雖殘卻非艸艸茅舍宿處設大牀一筠翁與余共之中夜爲蚤所擾無數跳梁因之不寐

二十五日丙辰昨晚晴見星月夜闌忽來雨聲晨起溼霧

翠山不辨遠近舉爨各飽冒兩登程度雙口嶺

或云名山口嶺

雨漸

密前進度嶺數重路愈行愈高雨愈下愈大嶺名或曰黃土或曰石心不能確指余觀前人游記入山輒度石礎嶺石心其卽石礎歟至楊邨覺路兼問煮飯處入鄭姓店鄭向在常州質庫生涯亦通吳語飯罷循胡邨塘陟金竹坑至新橋稍歇橋上蓋屋五楹供奉大士神龕外隔以柵欄旛幢鐘鼓備具而無僧一柯姓老翁居守之橋門曰東山舊里雨不止輿夫通身都溼時或渡水水深尺餘或石岸傾頽溪水泛溢踐水底石齒齒巉巉趾不能穩風來迎面幅布之帘不足以禦坐中亦通身都溼從帘隙窺之混茫

香禪精舍集

卷

日記下

十

一色不辨黃山申刻近芳邨忽見奇峰突起約略是天都雲門抵芳邨得茅屋煮粥添衣問路無多復二里過湯口湯口者湯泉之口地皆程姓是筠翁一族昔三松公游山主程介出家爲喚海馬者卽此處

工人健步者登山遇險能負以行號爲海馬

邨聚頗

盛近亦寥落又七里抵茅篷扣門入僧言今晨神鴉報信知有客至延入於殿之左落樓下地板房下榻焉燎衣烘被天入昏黃茅篷爲普門禪師開山初地在紫雲峰下名紫雲庵雖仍茅篷之名卻有瓦屋三十餘椽主僧性海玉林等歷次募修而始有者爲設伊蒲之饌移時就睡深山風雨萬籟滿天倚枕擁衾恰是靜定不覺遽然矣

二十六日丁巳晨見霽色旣沐卽至庵前平臺之下叢竹
干霄從竹中窺山峭壁絕巘起伏聯亘溼翠冷光引人目
轉四顧迴環舉難名狀北面者尤奇特呼僧出問僧曰翹
然無附麗者天都蓮花兩峯蓮花較遠故稜稜淡碧近而
可指者若青鸞紫石鉢孟鍊丹朱砂諸峯若離若卽者爲
桃花獅子諸峯余問庵後是紫雲峯耶僧云亦名紫雲巖
鉢孟峯又有覆孟之稱此間佛殿正對水簾洞遙見洞戶
泉挂而下志所謂石色瑩潔如玉風吹泉動漉紋裊裊如
湘水簾者略可辨也又西指曰是石榴峯則志稱石榴巖
以地多榴樹名又厯指羅漢下山波斯進寶張公張婆兔
香禪精舍集

卷一

日記下

十一

子鼠子諸石悉數難終形雖近似名不雅馴付之一笑庵
中西院有黟縣呂國卿借寓亦來游山阻雨猶未今山中
雨過樹杪泉來登高與飛瀑爭勢有所不能午後姑一眺
望拾級數十過迴龍橋而上未定所往僧曰盍游朱砂庵
余欲與筠翁偕招之云已出庵不知何往余遂倩僧爲導
路皆石級曲折盤旋百數十級至一亭額曰聽濤旁倚高
厓山勢一折松聲在顛泉聲在下石壁如削低窪爲池頗
似虎阜鐵花巖而水無此靈活也又百數十級見階堦牆
檻之石一碑旁立則慈光寺山門基也又上約百級見四
圍牆匡左曰奇峯拱秀右曰大地鍾靈云是靈官殿遺趾

又數十級望見殿宇再拾級而登始至寺自茅蓬至此說是三里或謂由祥符至慈光拾級五百曰羅漢級蓋過於靈隱之韜光矣案寺舊稱朱砂庵明萬厯間普門僧改創法海禪院後勅賜寺額曰慈光今天王殿重建略有間架殿後一橋長數丈跨溪而北爲臺又厯石級乃登正殿殿亦重建工作苟完昔明慈聖太后頒賜藏經及四面毘盧滲金佛象象七層層四尊每層高四尺下有蓮花座座有七準提居葉中一葉一佛佛以萬計建四面殿以奉之迨咸豐時不毀於髮逆而毀於土匪以爲金也片片椎碎而瓜分之今殿中梁猶作拱斗形石臺諸佛猶向背供設殿後西偏東向尙有舊屋又拾數級而登僧志誠延坐供茗有陳姓黟縣人課雛僧以孔孟書而師課以佛經可謂儒釋雙修者茶話片時出步殿前後此處看諸峯了了在肩睫閒朱砂峰近寺後色全赭紫雲亦然案志稱時有紫雲籠之常聚不散非峰之似雲非色之爲紫也又稱紫石峰石色純紫如玉然則兩峰迥別疑今混二爲一耳下至迴龍橋攷明僧印我建湯院石橋一名臥龍橋臥龍迴龍亦疑混而致歧此處林幽澗曲水響潺湲徘徊其閒左顧瀑布自峰拗峽際飛舞而下如大紳之直垂如匹練之頻絞注於壑谷掩隱蓄藏不知流轉幾重而瀉此橋下俯窺激

湍問僧曰下其龍潭乎僧曰龍潭在前乃旁澗行數十武水勢漸潤聲益狂崩崖裂石衝突沸騰至渟蓄處折爲旋轆清澈不知其底當是蛟龍窟宅然渟蓄所不盡突出石罅輒又踴躍奮迅而去昔人云龍潭爲眾水門水石相擊有鐘磬絲竹之音良然或題天神或題飛白或題響雪則卽寓目者而言然山中名潭處十餘名龍潭者亦有白龍潭五龍潭九龍潭之異又鐵綾潭歲旱致禱霖雨立應蓋神龍宮之因問此是何潭僧曰青龍潭余僕在路旁覓得小松三株返取竹筍植之僧言文殊臺上松多而奇小者隨處可掇此何足取方余上慈光時筠翁往探湯泉路甚

香禪精舍集

卷一

日記下

三

近少停借筠翁往下昨來路石級三數折路旁石上鐫舒嘯二字其下又有遊如是始四字數十武外將至泉旁見隔溪破寺知爲祥符寺也遂往游過小補橋道光間重建案朱砂溪桃花溪合流處曰支機橋疑卽此折而右入寺蒼陰交蔓蒙絡搖綴惟大殿三楹繚以兩廊及門龕中佛面如冰香煙久絕窗戶零落傷牆有架輒作爨跡荒寂之狀不可久留昔三松公祥符寺詩云古寺名存屋宇崩苔階瓦徑已無僧禪門小劫猶如此豈獨人間慨廢興蓋不自今日矣案寺創于唐開元時志滿禪師大建龍宮於湯泉西天禪初號爲湯院後稱靈泉院宋大中祥符元

年初改今名舊有樓祀斬轅浮邱容成額曰仙源山中之
寺此爲最古故宋元明初入游黃山者至祥符寺宿軒轅
宮而已然寺外曠望天都紫石青鸞諸峯排立雲表挹翠
流光頗覺軒爽茅篷之望轉無此景無怪昔人謂祥符寺
在天都峯下其實去天都尙遠也循舊路至湯泉問鄭師
山鈞石在泉旁澗邊尋之不得蓋石之可坐可釣者多也
泉爲方池上甃石如橋孔又覆以亭出於池前石闌可坐
下列階級澄瑩徹底沸泡噴起水面如珠迸散相傳下爲
朱砂故色微紅有時砂見則徧作深赤湧聲如雷朱砂峯
以泉得名是不獨峯色之赤爲奇矣余先入浴階便覺

香禪精舍集

卷

日記下

五

氣溫階盡水過腰際欲走近池心立不能植乃就石磴坐
浴之不冷不熱頓覺酣暢移時出筠翁入焉余先觀石壁
刻字有曰飄然欲仙龔晉錫題有篆字曰陰火潛然款已
漫漶其右有軒轅道場字又有天下名泉四大字萬厯癸
未正月郡人戴國良戴國輔戴麟紱程師周同立又有似
篆似隸四字不可辨又有一詩僅辨駐馬山前四字復至
泉亭厯觀正中鑄蒸雲二隸書旁曰洞冥二竒曰卽之也
溫曰不浴心已清曰清澈洗蠹塵曰身中清曰天然曰洗
心曰冷暖自知諸刻各有署欵半難辨識相傳水過灼則
石隙別出寒泉瀉入溫涼適劑屆冬則別派竭水加灼焉

左畔一竅流垢以出駛疾無停終日人浴而不濁又傳以病入浴者多愈風疾尤速瘳云返庵晚膳已具少頃胡僕浴罷返云至池心覺足底沸熱掬池底細砂而出僧云此砂冬閒置少許審益中卽不凍筠翁云浴後覺徧體溫暖余亦云然昔人謂海內湯泉不一此爲之冠志書於湯泉外別出朱砂泉云是軒帝取水鍊丹處又言湯泉有三去此數十武別爲下池未經疏鑿今不可考惟香溪湯溪卽此一溪又言慈光寺外有辨源得心三亭今之聽濤卽昔之得心也

二十七日戊午晴昨僧有登峰之約今可踐矣筠翁以脚

香禪精舍集

卷

日記下

五

力不勝擬至慈光寺余以文殊院爲此山之主願一往以償夙志旣飽朝餐卽挈游具約呂國卿同行呂年方強壯芒鞋艸笠意興飛騰於是乞僧爲導筠翁偕余及僕一興夫二同上筠翁緩步徐行過靈官殿基捫壁閒碑記爲道光三十年黟縣朱質齋培文撰抵寺志誠他出老僧病不下樓惟雜僧及陳先生欵接具茗少坐留一興夫隨筠翁餘人由寺左出迤北上登取徑紫石峯趾蒼林繡石鞦韆中通始行尙有石級級盡惟石石多犖硯渾圓置足不穩則以跳躍勢越之是爲蟬行或大石突出嶮然如腹鑿坎作梯僅容足指則細步躡而涉之是爲螳行又或石壁偏

削徑惟砂礫滑不留足則側身禹步以過之是爲蟹行又
或兩厓如束石骨隆隆了無艸木行百餘武輒一頓眾皆
謂余不能勸勿前余猶自強勉進又三四頓得稍平處憩
石上僧云飛來洞不遠矣遂至洞口仰窺眾復競勸余時
興致未闌足力亦未疲惟膽怯自慮不克到文殊院又誤
於笏人之言不如歸去蓋未到小心坡而心已小矣歉然
旋踵仍倩導僧指引返慈光寺僧云此行已三里多則往
返幾七里不覺自笑昔坡公至仙游潭上有橋畏其險不
敢渡作詩云猶有愛山心未至不將雙腳踏飛梯余亦此
意也將至慈光雜僧來迎導僧復追躡上登者慈光後院

香禪精舍集

卷

日記

六

舊多屋宇藏經閣僅存空架閣後地高更起樓屋自成勝
境惜已頽敗兩笏戶左曰精舍右曰靜居中凡十餘椽外
爲平臺朗敞可周眺諸峯四匝以騁吾目余問雜僧知筠
翁尙坐禪房遂令邀來同賞惜問峯名雜僧多不知大約
疊障雲門皆可指數見天都之前有峰如人偃僕而立曰
老人峰登文殊院必過此峯余對之遙揖而去雜僧引往
塔院陟叢棘中筠翁不復前院凡三楹居中石塔巋然題
皇明賜紫開山初祖普門大師全身骨塔後壁嵌碑爲許
太史鼎臣所作塔銘許後官
孟詵丞又一碑倚壁額曰慈光禪寺上
星下朗大師墓志銘爲乾隆閒汪宮詹廷璣撰文余問此

師何人曰卽開山師余案普門大師名惟安郡縣奚氏子
幼年孤苦薙髮受戒徧叩宗師三十餘年萬曆丙午感夢
入黃山艸創禪院後游京師聲達禁苑賜四面金像並藏
經及紫衣金鉢勅賜寺額曰護國慈光寺晚年至清源坐
寂於乘願禪林輦骨黃山建塔寺後並無星朗之號星朗
蓋乾隆時住持僧今山僧眷野競稱開山師爲唐朝人則
誤以慈光爲祥符以普門爲志滿矣何其懵也余見高樹
葉似蕉而小僧云此厚樸樹摘數葉奉余余謂是可作扇
昔人稱慈光寺側奇樹高柯沿厓旁澗春夏之交山花綺
望異艸暄萋今蕪穢張而芳妍闕矣返至禪房復與筠翁
少坐出寺殿前長橋下臨古潭左控橫厓石勢突前相傳
爲天馬飲槽形自建橋其上風水遂破蓋槽爲物掩馬不
得食也下得心亭有歧路折而右度湯嶺是爲往太平縣
道斜折而左復及迴龍橋玩水不遽去旣返庵僧云此水
合朱砂桃花二溪之流亦名香溪余問桃花源在其上耶
僧曰然又曰藥銚丹井皆與白龍潭近余欲往僧曰舊庵
已廢榛莽塞途不可往矣余又案前人游記無言紫雲庵
者游人自祥符至慈光或道湯泉或道桃源若不知其間
更有禪刹而茅篷與皮篷又迴別意者祥符寺稱湯院而
唐時湯院遺址實爲蓮花庵黃山多石少土獨蓮花庵在

山谷中有地二畝宜竹竹如盤口大今紫雲庵近是昔人所謂羣峰聳翠眾壑爭流者景亦相似又慈光未闢之前朱砂庵爲佉陽道人所居普門創建禪院蓋道人讓之疑寺亦軒轅行宮地然不可審攷矣筠翁述其祖篁墩先生之游僅臨湯泉憩祥符寺留詩而出其言曰譬諸嘗鼎食者得其一嚮餘品可知所得益新則所飫益甘若盡得之終食之頃無餘味矣然則吾儕雖不徧游已較我祖爲多余曰先生妙語真巧爲吾解嘲也

二十八日已未晴嵐光掩映時有雲氣近人僧云疑將有雨看僧自製菽乳尋常一味頗費工夫連日享香積之供

香禪精舍集

卷

日記下

六

多有山產如萊菔香菌石耳之屬尤以鞭筍爲上品而菽乳其不祧者也已刻登文殊院者返問呂國卿此游樂乎答云奇而險胡僕歷言艱危難進之狀云飛來洞穿透上卽朱砂峯麓半里許兩峯夾道前進若棧臨深陟高置足處僅數寸有小欄爲防者僅丈餘餘無欄而石路且圯徑紆斜劓削手扶壁作蟠行或壁上天泉飛灑則手亦難著雖不及一里屢有失足之虞更上穿一洞高僅三四尺深約五六十丈伏而過則爲蛇行出洞見天都峯高插天際下有仙人跡前路或遇衝水則淺深淨滑或遇叢莽則手足亂披漸高見三峰一老人峯一龜峰一峰三尖不知名

里餘至來龍岡進天都石鼓兩峯間路中石壁刻橫雲二字越龜峰嶺里許至打鼓洞刻雲集二字又上至鐵門限刻別有天三字觀止二字上數百步有石闌四五丈過此刻果然奇三字上石弄側身入迎前石壁折而過由暗至明見石上刻臥龍澗三字再前盤山而下過下仙橋又是兩邊石壁中通一人出去巨石上有極大一好字余曰此所謂大好也再上至盤松洞右轉入文殊洞洞口刻不可階三字進洞負石而登作駝行石上刻煙雲萬狀四字小清涼三字刻削千仞四字將到又有奇觀二字大巧若拙四字文殊院南向北倚玉屏峰雞冠峰在其下東爲天

都峰西爲蓮花峰左右又有獅象兩峰文殊臺在院南石刻有天地自然字佛陀境界字黃山第一處字院之正殿已毀僅存兩廊佛與僧同處厨漚之所坐臥之具咫尺皆仿於佛客至亦雜處其間中夜寒甚但聞天風蓬蓬身若動搖詰旦遂下山矣余曰文殊臺上景致如何對曰此處駭人心魄股票目眩不爲風吹顛仆絕巖之底幸耳余笑曰當年竭力開山普門師誠爲多事筠翁亦大笑余聽胡僕之語聊當神游胡每見余所至必摩挲碑刻故於石壁刻字熟記以告余念其苦心因備志之以補前人游記所未詳至所經之處有觀音巖龍翻石白沙缸天門羅漢洞小

心坡一綫天諸稱則彼亦不能言也飯已計將出山性海
以山產放光石木蓮果雲霧艸黃精本山茶相餉放光石
屑之加鑪火上發五色光可以避疫小兒發痘不透以兒
衣覆鑪上乘熱衣之熏其氣痘卽透木蓮果治心痛肝氣
等症研末沖服病寒以酒病熱以開水或煎之代飲亦效
雲霧艸生石上雲霧所凝縷縷如綫治目疾煎水洗之愈
皆此山之寶也胡僕於文殊院亦得雲霧艸木蓮果少許
又移取雛松三四株裹以本山之泥栽以竹筍將攜歸吳
焉案放光石志稱火浣石出蓮花澗剔而蒸之有聲有光
如金在鎔俄見五色其形饜其白雪一名綠光石又名五
香禪精舍集

卷

日記下

二

色石木蓮樹在慈光寺華嚴堂前其花蓮其瓣九其色白
其縷紫其香玉蘭其葉枇杷其實朱實含苞內苞開實出
若珊瑚新珠盛夏始花經霜不凋相傳爲麻衣祖師西域
移來之種震旦只此一本然余至慈光未見此樹而紫雲
庵前卻有兩本皆高二丈餘時方吐花形色與志書合志
載雲霧艸或生松杉或生峭壁狀如亂絲不黏寸土惟飽
雲霧性寒味辣能愈疫癘不言能愈目疾也志又言有放
光木雲霧茶余皆未見

汪晉穀雲霧艸賦兼言沈陽明目似
乎艸卽茶也治目疾之說固亦有之

時忽雲
來穿戶始似鑪煙旋如釜氣蓬蓬勃勃極卷舒噴薄之態
俄頃遂雨頗思再浴湯泉因雨敗興瀟瀟竹樹閒聲遂入

夜

二十九日庚申黎明起雨止天開枕上聞澗聲較甚前夜
啟戶視之湍流峻急若有驅之者遂登高處觀瀑如無數
白龍結隊而下牙爪鱗鬣各自奮張互相糾結而不相讓
青鸞紫石諸峰似有人大筆淋漓爲之渲染天都一峰神
光閃爍殆初日照之歎返飯香廚戒輿夫別山僧而行僧
問後期余不能訂余於此游有三遲之歎年近六旬濟勝
具短一二十年前恨不早來一遲也名利精藍大都荒廢
惜不於兵燹之前早來駐足二遲也榛蕪苗翳湮路拒人
不趁春初來踏燒跡三遲也輿行五里至湯口進山稱七
里言難行耳湯口湯嶺皆以湯泉名山勢奇峭石皴多作
大斧劈或如古畫人衣褶樹從石罅起者權奇古樸蔽日
遮岑亦有戴土之山樹陰深厚芳艸華滋遂覺萬象都綠
前日雨中一帷閉置盡茫然也前循浮溪溪出浮邱峰下
相傳有浮邱仙壇後人迷不知處黃山二十四溪皆由太
平遠匯入江惟浮溪爲豐樂水之源東南流入歙越嶺小
歇自後每歇輒回望羣峰隱見未能忘情他游記必言山
靈送客雖遠不捨余於黃山如謁尊顯登其門立堂階下
望見主人顏色主人與客未嘗接席款坐何有於送故不
敢作此誑語三十里抵芳邨飯於邨店旣而度大嶺兩重

嶺兩兩並峙彼此相望此降彼升如在指顧而相去以十里計兩嶺之間僧庵孤寄曰忠靈堂亦曰中嶺堂兩嶺之外又有一嶺嶺頭有汪公廟小歇輿夫云過此無嶺矣蓋山口嶺也余聞芳邨亦稱芳溪地多舊家池館芳溪之南地名鄉石又明汪道昆結廬於石礎嶺下名其地曰拱中嶺中遂著詩人之口凡此佳勝多不可尋下嶺歷楊邨又十里仍至洽洽宿邨口一家亦蔣姓案說文洽水出北囂山入邨澤此處當名洽舍俗加水旁遠矣洽舍亦號蔣邨負山面水民多小康邨口向有橋曰永濟橋

本邨人蔣泰同
仁蔣眞保建

治七年黃山龍見暴雨驟漲衝橋去數里外巨石挾駭浪

香禪精舍集

卷

日記下

五

過一邨落盪而爲墟橋基在宿店門左邨路稍曲從前行人過橋則不入邨邨頗潛藏今必由上流淺處涉水邨爲孔道矣

三十日辛酉不雨有風時寒時暖發洽舍過牛頭口徑長潭十餘里至容溪溪出容成峰下峰有容成臺高九百仞阮溪曹溪之水合於容溪有雙源橋殆指曹阮二溪歟停輿於黃初庵門外竊意黃初是魏年號而此非魏地庵名黃初殆謂黃山初步歟前行過楊干過程阮抵潛口復具爨於前日之店飯已筠翁往屯溪余至府城出邨分路自出潛口天宇平曠水田成阪非復兩山如屏一水如帶始

出黃山門徑矣行十里至唐模有高陽祠祠左曰高陽橋
蓋許氏也前日所見園亭路轉重經此處石路坦蕩想亦
許氏所築前爲鄭邨有鄭氏祠邨東高閣聳雲規模略亞
於許一路溪岸坦然長波列岫青翠迎人俄而過潭渡過
古虹橋卽望見城陽山輿不復停逕抵如意寺七十二級
之上下輿拾級復見法興時纔申初旋出至河西橋仍返
寺宿移襪被於後樓下與淨虛臥室相連剪鐙話游事興
公曰艸鞵藤杖竹笠乃濟勝之具君一不備而何嫌乎其
艱又今無爲海馬者縣布而登世鮮其人君於今之黃山
亦可謂十得三四矣

香禪精舍集

卷

日記下

五

五月初一日壬戌將返大阜預約輿夫晨興大雨輿夫不
至法興又爲其道友戒銘乞寫扇卽揮之兩次遣人催輿
夫來卽東裝辭僧冒雨行不由紫陽橋就上流渡船過彼
岸路稍直捷十里至稠木嶺一停又十里至瞻淇又一停
余復一帷閉置默坐自耐不暇放眼重理舊游迨至大阜
兩方大集步至博鄉堂通身衣溼矣弁英午橋咸在讀西
圃叔十六日發六號十九日發七號二十三日發八號書
三函八號今日適到中附松生兄銅士表姪寄我兩函蔭
生叔寄我與拈花兩函寄梅叔寄拈花一函以次讀徧西
圃叔爲金盆坦膳瑩一事鄭重言之因與弁午兩弟商議

詢諸族中尊長少時子格叔冒雨來蔚堂叔祖華廷叔
來濟川攜燈引培之叔遵植來叔自蘇至已十日午橋云

昨有遠族號宗維名端城者亦自蘇至家甸子上特來相

訪不遇一宿而去

初二日癸亥雨定晴愜前與筠翁約伊由屯溪覓船放下
余由大阜挈伴起程會於深渡以兩日爲期余因料理歸
裝作復西圃叔十一號信並復松生兄一緘卽發偕弁英
諸弟詣利貞廳是爲兩分支祠屋毀牆留於神臺舊址上
設一總位余拈香展拜周覽地基適步韓華廷叔皆至有
重建之議欲商之遷吳子姓余曰公事公言請出公函攜

香禪精舍集

卷

日記下

五

歸籌之詣李王廟量七世祖所助大鑪腹圍六尺五寸高
二尺五寸欵云康熙乙亥信官潘口主政敬助乾隆已

卯重鑄姑蘇梅友三造自重鑄至今又一百二十餘年矣

西圃叔又將重鑄也今廟中借利貞廳一鑪有潘氏宗祠
字倘利貞廳重建鑪應送還返路遇子格叔於冊書處借
得舊冊一本邀余至其家同閱見我家納賦戶名各房皆
有而不得金盆坦膳坐之坐落畝數悵然而返邨中知余
將行又有索書諸件午後寫四對一扇偕午橋至培之叔
家華生弟家各談少時返細雨濛濛向晚乃霽夜蔚堂叔
祖華廷叔歸自小佛坑梨木嶺將民允公墳旁餘地二畝

六分贖回二畝已墾作田卽付其人承種所餘六分不準
再墾立寫承攬并墳責其看守按年還租焉
初三日甲子晴又爲梨木嶺洪采章寫扇一頁族中諸公
多來送行並有所贈爲歛硯徽墨葛精茶葉諸品午刻子
格叔又招餞飲午濟拈三弟暨心存姪同招仲良弟陪坐
一席七人是城中厨菜得嘗鮮蝦良久散辭行而出至社
屋坦墓看修理工程至族墓再一周視返至松鱗別墅前
日所見搖搖欲墮者竟已委地益復蕭然返後步韓叔來
余細叩以膳瑩一事平素有無舊聞可尋端緒否叔言不
知因託其留心察訪而去忽得王賢語知乃賡姪收有舊
香禪精舍集

卷

日記下

五

籍可以問之則須回蘇方知矣

初四日乙丑晴晨與濟川拈花心存會集四人行李於博
鄉堂僱人啟行族中送行者爲誠齋蔚堂兩叔祖步韓培
之華廷三叔弁英午橋仲良誦芬諸弟詩庭姪等余旣一
一行禮辭行出諸人偕至宗祠余等辭祖畢諸人復
偕出止之不得偕至李玉廟余等拈香畢諸人仍偕出固
止之仍不得直送至邨口再四懇辭乃別於鎮安橋下弁
午兩弟又前至涼亭而別於是四人前行十里至五渡橋
少坐山田刈麥者已登倉插秧者已透水農時較早於吳
中前度梨樹嶺嶺不甚高而路頗長嶺頭一亭嶺脊一寺

皆少歇寺名聚山禪院殿宇重建楹聯有普徧大千世界
重開不二法門語又云欲廣福田須憑心地誕登彼岸迴
判人天下嶺路又過一廟門閉其左右額曰靈鍾梨嶺秀
毓龍潭過嶺到深渡投華生弟店中華生在彼具飯以待
云程筠翁已於昨午到此今在舟中飯已余遂登舟晤之
言有勞等候筠翁云昨屯溪開船三箇時辰卽到此不意
若是之速也心存往岳丈家辭行遂有兩妻舅來送行華
弟亦來舟話別卽開行五里過長灘五里過白石嶺雲陰
陡合山雨欲來五里至境口卽大川口五里下白石灘一
名洲頭梁又過小川口一名姑留口數里抵山茶坪雨澎

香禪精舍集

卷一

日記下

五

泝至略停復行自結鴈頭橫石灘

一名牛灘

天峻灘

卽牽鑽灘

美灘

卽米灘

登科口紗帽石以下至三橋灘水勢甚急雨勢甚猛

少歇白入郎廟抵界口泊卡次坐雨雨斷復行過茗葦嶺
二里爲黃家潭斜暉重吐晚山明淨而遠岫雲容猶摩盪
也三里爲滾灘三里爲常灘二里抵和尚嶺有趁船徐姓
在嶺腳登岸嶺高不逾十丈形似僧帽云又四里抵威坪
過卡過灘而泊入夜月出

初五日丙寅晨四山雲幕雨意猶多舟人沽酒市雞豚乃
行五里過竹節淇五里過雲頭潭卽火筒灘五里曰青山
灣果然山色迭青遠山雲而近山日矣五里曰錫行渡渡

錫灘宛若行空飛錫五里老人窗五里梓潼源口五里九里灣五里仰邨岡此處有牛欄灘過響山潭歷小金山卽上石渡下羊鬚灘五里過涪安縣三里東溪源口二里古事灘時將近午晴日杲杲羣嵐齊出塔下臨江有磯形圓而中窪土人建廟其前額曰香爐峰形似香爐然不得謂之峰下賴爵灘過紗帽潭東門坑沈家壩抵遂安港口泊自威坪灘至此計行七十餘里時當正午舟人宰雞與豕首同煮佐以饅頭瀝酒敬神旋出獻客曰請賞端陽余等辭不能飲弗獲已略取饅頭食之於是十二人圍坐轟飲拇戰大作濟川云徽俗家家敬鍾進士余曰舟人所敬當

是屈大夫筠翁曰屈本讀作掘昔人有一聯極工云投水屈原真是屈殺人曾子又何曾舟人飲啖畢復舉櫓下留難灘過蔡家埠塔行盧勸倒安里藻河埠有灘曰宋家灘又過亞慈灘羅山墩瓦窰埠合陽堡有灘曰羅漢灘過茶園有灘曰孩兒木犀灘過百步街有灘曰石蕩灘過小溪巖琴坑口湖獠淇抵童埠泊自遂安港至此又六十餘里時已暮舟子兩三登岸駕長爲永康孔姓所攜之燈曰千古一家自居於聖人之後焉

初六日丁卯晴早開下試金灘倉後灘至白沙埠楊溪上下爲珠地灘至下衙爲哈喇灘至黃窰爲牛灘一名千步

灘又下馬沒灘至宗潭下范家研灘至倒潭插上下爲塌
步灘前抵巖州府暫泊飯船上短僱之夥與駕長索工力
錢計數良久不了已而去者頗多又將添僱少時有新來
之夥有去而復來之舊夥然後開行纔五里卽東館有卡
復泊幸無耽擱卽放風自東來我行不利酉刻過釣臺自
大好山水而下此處別具靈秀蒼蒼泱泱江山清遠畫眉
一聲頓忘驟暑進鷓鴣源歷青獅港下六港灘入鸞潭過
冷水亭上黃堡際晚不停殆欲補所不足過桐廬縣望岸
上燈火如布行列水光盪之止齊不亂前過柏鋪踰柴埠
抵新城港口乃泊時已二鼓新城港對河爲窄溪卽三月
十二夜泊處也計行一百八十里

香禪精舍集

卷

日記下

五

初七日戊辰船開比昨更早風來更大日光淡淡霧氣沈
沈四山都是風色舟子搖櫓不前改爲拉緯蓋上水船難
於上灘之遲下水船易於下灘之速電掣箭飛數里一瞥
自巖州而下波平水闊不復有此便利又見來船風帆高
挂了不費力益形我舟之遲然順流而下實不遲也俗傳
徽河中有名灘三十六無名灘三十六今駕長能道其名
者不及三十六之數而徽府志稱新安江有三百六十灘
數且十倍蓋上自張公山出練水下至三折瀧入錢塘江
并言之耳自橫山寺以東爲桐梓關桐洲鮑家旂新店灣

程墳長山隴湯家埠鹿山頭凡六十里午刻抵富陽縣船頭眺望風來甚辣惟垂帳而坐稍爲遮攔濟川弟感冒風熱濃煎藥茶飲之午後自鶴嘴至大嶺頭赤松鋪廟山鋪大安鋪周家堡渡船埠魚浦口背緯不輟已而路轉風移偶舉短帆仍復背緯日將墜水轉入義橋港近市處泊午後凡行五十里

初八日己巳侵早移船近岸發貨上灘良久起樁退出港口放錢唐江風稍殺不甚爲患緯臚齊施自虎爪山至亭子前對江卽王家埠過梅家堰卡知是空船不復著眼過團頭至朱橋對江卽半邊山歷范邨紅橋過六和塔爲進

香禪精舍集

卷

日記下

五

隴浦抵江干計五十里停泊仍投曹泰來行已爲舊相識擬宿一宵明日重理西湖舊游筠翁已先過塘去時纔申初天氣悶熱恐雨而濟川抱恙宜於安靜遂踵筠翁之後濟弟乘肩輿余與拈弟心姪步行由萬松嶺入鳳山門投王天成行筠翁先到尙未看船余等先僱定無錫林阿懂船在萬安橋用小船運行李濟弟坐之餘仍步行登舟翻在筠翁之先人甫定天剛暮雨點打篷聲如拋彈轉以自慰令舟人煮飯且與之約明日倘霽當一游西湖停舟不發濟川倩筠翁開湯劑數味舟中煎服伊身旣定傍人亦安矣水窗剪燭頽然欲睡因憶出門時以三月初四日起

程初八日到杭茲歸途以五月初四日起程亦初八日到
杭亭長亭短不同而回
初九日庚午夜枕雨聲達旦晨寤滾滾不休西湖之願未
許償也拈花上岸買物胡僕隨之晌午返市得鯉魚一尾
卽具午餐於是兩月不知魚味矣旬留無謂乃令解維余
往返七里瀧不得捨嚴先生綸竿餘唾往返杭州不得窺
西子新妝均屬此行憾事舟人衝雨背緯風水皆逆薄暮
纔泊臨平鎮尾自艮山門至此不及五十里舟子言已六
十里或就萬安橋始發而言然亦稍浮也

初十日辛未黎明解維不聞雨聲睡過許邨坐起抵長安

香禪精舍集

卷

日記下

三

壩細雨絲絲盤壩而下晌午過石門雨止未刻過石門灣
舟人舉觴搖搖颺颺引人睡思日長如年之語於舟中倍
覺其妙欲枕觀書倦輒拋去不僅如蠶之三起三眠也傍
晚船頭閒眺西面紅東面黑斜陽一角疏雨兩三點雲影
天光猶是陰晴未定暮泊紅橋頭距嘉興城十五里是夜
夢至萬山深處境地高寒從梵宇中出戶四瞻心以爲黃
山文殊院也危峰絕壁透入霄漢有似動搖欲壓我頂撥
雲展步松翠滿衣漸登懸崖之上見一老翁蒼髯朱履負
杖獨立心以爲髯圃叔也亟趨而前意欲問途翁曰此間
一片土最爲平正來路一綫直上亦無歧誤嚙昔之夜子

何爲乎不來余曰疇昔誠悔今竊幸矣翁曰悔誠不必幸亦何有皆偶然耳余問從此前往何所翁指而笑曰此蓮花峰是汝身所自來余一顧望遂失翁悸而醒

十一日壬申船仍早開起視已在嘉興城外自西門盤至北門暫泊卽行過水天庵開門臨水一僧躡階而立循杉青牖亭榭清幽軒窗靜閉水外環水小橋窄徑繚以雕牆窺見牆中錦葵盛開然此處秧田都未蒔插東陸西陌頗種罌粟萬蕊嫣紅近人癖嗜等於種粟矣舉帆前行橫風小引不甚得力晌午大順馬馳箭激者約三十里過平望路轉帆收循鶯脰湖隄而過又負纜行晚抵吳江泊垂虹香禪精舍集

卷

日記下

三

橋下橋在縣城東門外橋東爲泮宮東南一塔爲文筆之秀登眺其間斜陽在空水光入樹煙景絕佳橋南有廟曰松陵廟祀水平王郁使君使君諱廷祐齊梁時人治水有功余昔游洞庭山亦有水平王廟云過橋稍南轉入東門略及百武卽旋踵出返舟天暮有新造巡鹽礮船十數號雁行而銜尾施放火鎗入夜遞傳更鼓驚人達曙

十二日癸酉五鼓解纜鷓鳴片刻卽聞張帆風聲水聲沸於枕畔因隔夜預屬舟子繞道橫塘故由太湖之湄以入石湖也推窗送目正遇好風舟行甚駛太湖無際菱蘆極望與新安江中兩山相東一水曲旋正爾相反見楞伽諸

山迎塔以行旋卽收港旋復放出石湖未幾達橫塘古渡
送濟川弟就萬成店中養病拈花弟挈行李歸其家卽復
來舟同至胥江僱一小舟運心存姪行李二人坐之進盤
門余就馬頭僱夫步進胥門返平陽館中首之姪初圻爲
余攝館政兩月矣檢點行裝先以黃山松及土宜雜物遣
僕呈西圃叔並告歸來午後歸家見筱涯兄桐生弟話別
後事知前月安葬穎生兄於光福銅井山大畝頭一十八
年始安幽室三人話刺刺不休猶未見松生兄也

十三日甲戌晴晨至敏德堂晤偉如兄談片刻卽至敏慎
堂謁西圃叔侍坐於三松堂述兩月來寄書所未盡未詳

香禪精舍集

卷

日記下

三三

之事玉荀春疇兩弟碩庭熙年兩姪相與敘話遂留午飯
叔言自今以後吳中子姓或間一歲間二歲必當一赴徽
州展墓以今年爲始蓋自嘉慶甲子曾叔祖三松公紅珊
公偕往後已歷七十餘年矣三松公嘗三至大阜一游黃
山上溯乾隆以前歸省者不絕我高祖蓼懷公會侍五
世叔祖閑齋公以行並爲黃海之游當在雍乾閒距鍾瑞
此行已一百五十年我謙益堂子姓亦曷可以疏怠乎
移時辭出至慶林橋豐備義倉見松生兄談良久返乃作
展墓族葬兩記以呈西圃叔焉

遊記繁簡各有體裁總以應有盡有應無盡無爲極詣

大著兩冊自以次冊爲勝略有管窺坵籤上方祈教之蟀
行螳行蟹行一段意境從考工記得來非關形兒也後紀
一夢尤爲元箸超超悔誠不必幸亦何有云云豈復是軟
紅塵中人吐屬音先生殆見道矣雷浚跋景示文采風

日記非簡潔之難而詳盡爲難如將兵然多多益善惟淮
陰侯能之此記隨筆寫去而叢雜瑣屑之情事能曲折達
出質而不俚繁而不蕪至紀黃山之游刻畫奇險如在目
前身所未歷者妙借僕口補出使黃山全身畢見快讀兩
過不啻置我於天都峯下也文筆至此真能別開生面前

香禪精舍集

跋

日記

無古人小弟亢樹滋拜跋

承示日記筆墨雅飭與范石湖陸務觀相似妙在真率不
假雕飾下而言之亦勝於徐霞客必刻無疑卽此當題跋
何如弟祖蔭頓首筆意去而光緒勳氣之習

昔阮亭謂六硯齋主人所著禮白嶽記蓬櫳夜話云記卽
是詩詩卽是記吾香禪兄出所作游記見示文采風流
與李君實彷彿似之蔭又識

